

**PRAYER**

- Manalangin na patuloy na lumago sa pagsunod sa Diyos ang mga kapatiran.



# VICTORY

**Honor God. Make Disciples.**

Pinahihintulutan ang pagkopya ng lathang ito na galing sa Victory® para sa kagamitan ng lokal ng simbahan.  
 Karapatang Pag-aari © 2011 ng Every Nation Leadership Institute  
 Inilathala ng EVERY NATION PRODUCTIONS  
 P.O. Box 12229 Ortigas Center, Pasig City, Philippines

**FILIPINO**

Connect. Grow. Participate.

# iServe

Connect. Grow. Participate



## Maglingkod Tulad ni Jesus

Week 3

NOTES

**CONNECT**

- Kailan ka huling nakatanggap ng tulong sa iba? Ikwento ang naging karanasan.
- Kapag tumutulong ka, iniisip mo ba muna kung karapat-dapat ang tutulungan mo o hindi? Bakit oo? Bakit hindi?
- Sa gawaing-bahay, natutuwa ka bang gawin ito o ginagawa mo lang ito upang sundin ang mga tuntunin? Ipaliwanag ang sagot.

## WORD

### WHAT

What does the Bible say?

<sup>4</sup>Huwag lang sarili ninyong kapakanan ang isipin n'yo kundi ang kapakanan din ng iba. <sup>5</sup>Dapat maging katulad ng kay Cristo Jesus ang pananaw n'yo: <sup>6</sup>Kahit na nasa kanya ang katangian ng Diyos, hindi niya itinuring ang pagiging kapantay ng Diyos bilang isang bagay na dapat panghawakan. <sup>7</sup>Sa halip, ibinaba niya nang lubusan ang sarili niya sa pamamagitan ng pag-aanyong alipin. Naging tao siyang tulad natin. <sup>8</sup>At sa pagiging tao niya, nagpakumbaba siya at naging masunurin sa Diyos hanggang sa kamatayan, maging kamatayan sa krus.

Filipos 2:4-8

Ang pagkakaroon ng pusong mapagsilbi ay pagsunod sa halimbawa ni Jesus (Mateo 20:28). Ngunit hindi lamang ito paggaya sa Kanyang mga galaw. Kailangan nating gawin ito ng may tamang pag-uugali. Buti na lang at pupwede tayong humingi ng tulong sa Diyos sa pagkakaroon ng mga sumusunod na pag-uugali.

- **Pag-iisip sa kapakanan ng iba**

*At ang ikalawang pinakamahalagang utos ay katulad din nito: 'Mahalin mo ang iyong kapwa katulad ng pagmamahal mo sa iyong sarili.'*

Mateo 22:39

Isinantabi ni Jesus ang Kanyang kapakanan nang ibinigay Niya ang Kanyang buhay para sa atin. Mahirap para sa atin ang isipin ang kapakanan ng iba na hindi muna inuuna ang sarili. Ngunit hindi naman imposible ang hinihiling sa ating isaalang-alang man lang ang kapakapanan ng iba habang iniisip din ang sa atin. Papaano tayo nahihikayat ng pag-iisip ng kabutihan ng ibang maglingkod sa kapwa?

- **Pagpapakumbaba**

*Sa biyayang ipinagkaloob ng Diyos sa akin, sinasabi ko sa inyo na huwag ninyong pahalagahan ang inyong sarili nang higit sa nararapat. Sa halip, kilalanin ninyo ang tunay ninyong kakayahan ayon sa pananampalatayang ibinigay ng Diyos sa inyo.*

Roma 12:3

Pagmamataas ang pagpapahalaga sa sarili nang higit sa nararapat. Kabaliktaran nito ang pagpapakumbaba. Kapag tayo'y mapagpakumbaba, madali nang isantabi ang ating karapatan at hindi mag-isip

nang kung sino ang makakakuha ng papuri. Higit pa rito, lalo nating maiintindihang hindi nakakababa ng pagkatao ang pagsisilbi. Tulad ito ni Jesus na mas piniling magsilbi kahit na Siya'y karapat-dapat na pagsilbihan (Lucas 22:26,27).

- **Pagsunod**

*Sapagkat pinatutunayan ninyo sa inyong pagtulong na sinusunod ninyo ang Magandang Balita tungkol kay Cristo na inyong pinaniniwalaan. At dahil sa pagtulong ninyo sa kanila at sa iba pa, papupurihan nila ang Diyos.*

2 Corinto 9:13

Hindi lamang bukal sa kalooban ni Jesus ang magsilbi, ginawa Niya ito upang sundin ang Diyos Ama. Ang nag-uudyok sa Kanyang maglingkod ay ang kaluwalhatian ng Kanyang Ama. Tulad nito, higit pa sa simpleng kagustuhan na makapagsilbi, dapat nating gawin ito dahil gusto nating sundin ang Diyos. Gaano ka nahihikayat ng kagustuhan mong bigyan ng kaluguran ang Diyos na sundin Siya?

### SO WHAT

What is the relevance of the Word to my life?

- Nahihirapan ka bang isipin muna ang kapakanan ng iba? Bakit kaya ganito ito?
- Bakit kaya madalas nating naiisip na karapat-dapat tayong pagsilbihan?
- Papaano tayo nahihikayat ng pagsunod sa Diyos na maglingkod?

### NOW WHAT

How do I apply the Word to my life?

- Maghanap ng kaibigan, katrabaho, o kaklaseng nangangailangan at tanungin mo kung papaano ka makakatulong sa kanyang kalagayan.
- Magbigay ng tatlo hanggang limang dahilan kung bakit wala tayong karapatan upang pagsilbihan. Ano ang magagawa mo ngayong linggo upang mabago ang pag-iisip na ito?
- Sa pagsunod sa utos na magsilbi, sino ang pupwede mong paglingkuran ngayong linggo na sa palagay mo'y walang kakayahang suklian ang iyong kabutihan?